

TESTO - Lamientu ro SS. Cristu

Vurria fari na navi ammienu lu mari  
tutta furriata ri uommini e 'ncignerì,  
San Paulu e San Pietru marinari  
San Gghiuivanni Battista timunieri.

Maria passau ri na strata nova,  
la porta ri n'ferraru aperta era:  
O bbuonu mastro chi sta fannu a st'ura?  
Fazzu na lancia e ttri pungenti ciova.

O bbuonu mastro nul-li fari a st'ura  
ri nuovu ti la paiu la mastria.  
O bona ronna nun lu puozzu fari:  
unni cc'è Gghesu cci miettunu a-mmia.

O bbuonu mastro mi ni runi nova,  
unn'è lu fgghiu amatu ri Maria?  
O bbona ronna si, ti rugnu nova,  
lu stissu sangu t'ampara la via.

Maria ittau na vuci e s'ammantinni,  
quannu visti a sa figghiu alla cruci ca penni.  
O figghiu ri Maria scienni, scienni:  
ca c'è la to mamma ca t'addifenni.

Biniricitimi Mamma e gghitivinni  
ca lu ma corpu la cruci 'ddifenni

Maria si misi supra nu scuogghiu  
ciamatimi a San Gghiuivanni e cca lu vuogghiu,  
quantu ci spiu ri l'amatu figghiu.

Ri niuru mi lu porta lu cummuogghiu  
ora ci criru ch'è muortu ma figghiu

Se l'acqua ri lu mari si fa uogghiu,  
vardatici lu venniri a-mma figghiu.